

quæ vocantur Parua naturalia.

Cunradus de Summerhart, de Calau, scripsit commentaria in vniuersam physicam, quæ respondent Arist. libris de Physico auditu, de Cælo, de Generat. & corrupt. de Meteoris, de Anima.

D

Dameſcius Stoicus philosophus, Syrus, scripsit *περὶ φυσικῶν* in primum librū Arist. de Cælo, dubitationes & solutiones de primis principiis & Commentarium in primum phys.

Dominicus Bannes edidit Commentaria & Quæstiones in 2. libros Arist. de Generat. & corrupt.

Dominicus de Flandria emisit quæstiones & annotat. in Arist. libros de Anima.

Dominicus Soto commentatus est in Arist. libros octo Physicorum, & in eosdem Quæstiones.

Diodorus monachus scripsit contra Arist. de corpore Cælesti.

F

Franciscus Caballus scripsit libros 2. de numero & ordine partium ac librorū Physicæ doctrinæ Aristotel.

Franciscus Toletus Arist. libros de Physico auditu, de Generat. & corrupt. & de Anima commentariis & quæstionibus illustrauit

Franciscus Vallesius commentatus est in octo libros Physicorū Aristotelis

Franciscus Vatablus Aristotelis parua naturalia transtulit.

Franciscus Vicomercatus librum 3. de Anima comment. illustrauit, uti libros de Generat. & corrupt. item libros 8. phys. hosque transtulit. itemque Meteorologicos libros transtulit & in eos commētaria edidit.

Fortunatus Crellius octo libros Physicorum Arist. transtulit & commentariis illustrauit. expectantur etiam ab eodem alij in reliquos Arist. libros Physic.

G

Gerardus Mathisus edidit epitomen in libros 4. Phys. Arist. & in librū 1. de Cælo.

Gerardus de Monte emisit Textualem expositionem in librū Arist. de Cælo & Mundo, de Generat. & Corrupt. in Meteorol. in parua naturalia.

Georgius Lieblerus omnes physicos. libros Arist. in elegantem epitomen contraxit.

Georgius Pachymerius scripsit epitomen Physicæ tractationis, Commentarios in libros de auscult. paraphrasin de Anima, sensu, memoria, somno, vigilia, insomniis &c.

Godfridus Cornubiensis in Arist. Physica lib. 8.

Guilelmus Budæus Arist. librum de Mundo transtulit.

Guilelmus Occam edidit Quæstiones Physicorum lib.

Guilelmus Slade emisit quæstiones de Anima lib. 1. in Physic. Arist. lib. 8.

Guilelmus Alneuwich. in philosophiam naturalem lib. 8. edidit.

Gratiadeus edidit quæstiones in magna & parua Physica Arist.

Gualtherus Burleus scripsit in Arist. de Natura libros 4.

Guido Perpinianus in libros Physic. 8. Arist. scripsit.

H

Henricus de Gandauo scripsit in Physicorum lib. 8.

Henricus Packer edidit lectiones 34. in Meteorol. Arist.

Hermannus Railanus editionem quandam Arist. physices commentariolis præfixis illustrauit.

Hermolaus Barbarus compendium physices ex Arist. conscripsit.

I

Iacobus Aubertus edidit physicas institutiones instar Commentariorum in Arist. libros de Auscultatione.